

UGOVOR
Br.0602-2702-6/19
o nabavci opreme sa montažom sistema za
kontrolu i evidenciju radnog vremena

UGOVORNE STRANE

UGOVORNI ORGAN: KJKP „Pokop“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić (u daljem tekstu: Ugovorni organ)
ID broj: 4200119040004; porezni broj PDV: 200119040004;

DOBAVLJAČ: „DSC“ d.o.o. Sarajevo Agencija za zaštitu ljudi i imovine, Ante Fijamenga 14b, kojeg zastupa direktorica Branka Baltić (u daljem tekstu: Dobavljač)
ID broj: 4200144230004; porezni broj PDV: 200144230004;

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku – Nabavka opreme sa montažom sistema za kontrolu i evidenciju radnog vremena, prihvaćene ponude Dobavljača broj 0602-2702-4/19 od 22.07.2019.godine i Odluke o izboru najpovoljnijeg ponuđača broj 0602-2702-5/19 od 23.07.2019.godine.

PREDMET UGOVORA

Član 2.

Predmet ovog Ugovora je nabavka opreme sa montažom sistema za kontrolu evidencije radnog vremena, prema prihvaćenoj ponudi sa specifikacijom roba, koja čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi :

Cijena usluge koja su predmet ovog Ugovora bez PDV-a iznosi	4.907,50 KM
PDV na ponuđenu cijenu usluga iznosi	834,28 KM
Cijena usluge koja su predmet ovog Ugovora sa PDV-om iznosi	5.741,78 KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za isporučenu robu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da izvrši isporuku i montažu robe definisane članom 2. ovog Ugovora u roku do 45 (četrdesetpet) dana od momenta prijema pismene narudžbe Ugovornog organa.

GARANCIJA

Član 6.

Dobavljač garantuje da su robe iz člana 2. ovog Ugovora u skladu sa ciljevima i zahtjevima postavljenim od strane Ugovornog organa i da će ponuđena rješenja u projektom planu biti u skladu sa posebnim tehničkim standardom.

Član 7.

Garancija za isporučenu robu je 24 (dvadesetčetiri) mjeseca od dana isporuke i montaže robe. U ovom roku Dobavljač se obavezuje da će u slučaju kvara robe odazvati se u roku 4 (četiri) sata od poziva Ugovornog organa i isti odmah otkloniti, a maksimalno u roku od 24 (dvadesetčetiri) sata od poziva Ugovornog organa, a da isti nisu prouzrokovane od strane Ugovornog organa, korigovati (otkloniti iste) o trošku dobavljača.

POVJERLJIVOST PODATAKA

Član 8.

Sve informacije nastale na osnovu ovog ugovora se smatraju poslovnom tajnom i ne smiju se davati trećoj stazi bez odobrenja ugovornih strana.

Dobavljač se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Ugovorni organ.

OSNOVNE OBAVEZE DOBAVLJAČA

Član 9.

Pored obaveza predviđenih važećim propisima, Dobavljač je posebno dužan da robu iz člana 2. Ovog Ugovora izvrši stručno i kvalitetno, u svemu prema datoj Ponudi.

Kao zvanična potvrda ugovornog organa o ispunjavanju ugovorenih obaveza sačinjit će se zapisnik o kvalitativnom i kvantitativnom prijemu sačinjen i usaglašen između Dobavljača i Ugovornog organa.

OSNOVNE OBAVEZE UGOVORNOG ORGANA

Član 10.

Ugovorni organ se obavezuje da osigura sredstva za plaćanje, u skladu sa načinom plaćanja (definisano članom 5. ovog Ugovora).

RASKID UGOVORA

Član 11.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 12.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 13.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 14.

Ovaj Ugovor stupa na snagu danom obostranog potpisivanja Ugovora od strane ovlaštenih lica ugovornih strana.

Član 15.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN

KJKP „POKOP“ d.o.o. Sarajevo



direktor Goran Cerić



DOBAVLJAČ

„DSC“ d.o.o. Sarajevo Agencija za
zaštitu ljudi i imovine



direktorica Branka Baltić



Broj: 0602-2702-6/19
Sarajevo, 23.07.2019. god.

Broj, 138 / 19
Sarajevo, 24.07.19 . god.